

國朝詞綜二集

國朝詞綜二集卷四

青浦王昶纂

吳翊鳳 十六首

詹肇堂 七首

馮金伯 二首

史善長 四首

施晉 三首

汪大經 一首

王翰青 三首

汪淮 二首

吳寶書 四首

王紹舒 三首

吳翊鳳 字伊仲吳縣人  
諸生有曼香詞

玉樓春

空園數日無芳信  
側側殘寒猶未定  
柳邊絲雨燕歸遲

花外小樓簾影靜 憑闌漸覺春光暝 悵望碧天帆去  
盡滿堤芳草不成歸斜日畫橋烟水冷

### 齊天樂

蘋花不暖鴛鴦夢江南幾番秋雨鬪草人歸辭巢燕去  
冷落瑣窓朱戶天涯倦旅算第一關心故園樽俎幾處  
殘鷗淒涼慣逐夢魂去 杜郎愁思多少新霜看乍染  
雙鬢如許望裏斜陽烟鬟數點縹緲碧雲何處離情待  
訴向暖翠簾陰靜調鸚鵡甚日歸來夜深聽俊語

### 高陽臺

嚶城王介翁以明經試吏不得志歸年冉  
冉老矣營菟裘於石湖之濱將移家終焉  
今春復有錢江之行余餞之郊外酒半索  
余度曲爲賦此解

帽影欹花鞭絲拂柳離懷況是殘春燕子人家斜陽却  
照開門茸茸亂草和烟翠浸涼波一片愁痕又黃昏畫  
角春城吹冷香塵 憑君莫上長橋望有湖光戀影冷  
翠留人彈指東風十年寥落吟魂暮潮一舸松陵路聽  
簫聲飛度寒雲客愁新數點殘紅飄落金樽

瑤花

翠鴛堂桃樹一株鮮麗可愛年時載酒作洗  
花之宴忽忽不知其樂也步履重來春風非  
昔感而成此

疎花散霧小雨收燈過禁城寒食尋春歸晚誰念我重  
上吹香巷陌年芳輕別早夢斷謝橋春色但盼到垂柳  
陰中一片池塘自碧 玉笙聲裏殘寒想燕子歸來東

風猶識彩雲飛過斜陽外閒却紅闌幾尺苔陰小立試  
重問玉鈿遺迹算惟有冷月籠烟照我夜分吹笛

桂枝香

石簫有楚南之游蠡船歌此調送之邀余  
同作時壬辰十一月五日也

蘋香吹晚送兩槳寒潮去程同遠多少江南舊恨客懷  
難遣夜涼歸夢隨波濶問幽閨淚痕深淺微霜影裏燭  
寒香細乍聞秋雁念自昔紅亭翠館歎十載盟鷗頓  
成飛散數遍亂山荒驛甚時重見小園此後多風雪怕  
黃昏畫角吹怨相思空記寒梅一樹和香同剪

曲游春

憶西山梅賦此爲賁漁嘯山問

花冷春江夜記短篷孤悄同載吳雪十載吟情有相思

都在江南江北幽夢迷寒碧想兩鬢東風能識甚夜深  
幾點疎香吹動半簾明月消歇何郎詞筆漸霜滿苔  
陰難問蹤跡流水孤村算淡妝人去與誰攀摘十里寒  
雲色似待我山樓橫笛只怕水驛烟深甚時去得

倦尋芳

碧雲向晚倚遍危欄誰伴孤寂側側寒輕可惜謝池春  
色涼雨乍催花事去東風只有重簾隔料閒愁有畫梁  
雙燕似還相識記那日蘼蕪小院羅幙香中歌扇輕  
拍露淺花深相對細傾春碧縹緲驚鴻何處所夜寒空  
照西樓月恁相思對清燈又成淒絕

徵招

抱珠水榭中自主人去後蹤跡久稀今春再過其地閑花半落幽禽自鳴惜春色之將闌嗟倦游以何日撫時念遠爲賦此詞浣花翁深有感於天寒翠袖也

梨花影落斜陽外池塘一痕新  
霽春色雨中過問別來  
曾幾盟鷗無伴侶漫贏得一襟離思  
夕照閉門暮雲深  
院角聲吹起流水謝橋灣  
垂楊畔當年畫樓何似燕  
子得泥歸甚重門深閉鎖窗燈影裏  
有誰識夜涼情味  
待歸也賦盡相思月明千里

長亭怨慢

不過楓香館一年矣主人垂問近况漫調此詞示之

經幾度畫簷疎雨柳下人家燕  
巢先冷澗絕琴絲落紅  
庭院晚風勁倦懷誰省知消減  
看花心性夢遶屏山又

早被簫聲吹醒 人靜向苔陰小立試把玉釧重問柔  
情未定誰扶上江南烟艇想當初羅韉侵階有幾處霧  
深花暝到人去庭空一片露華涼浸

滿庭芳

花氣浮春鶯聲醉曉芳隄最是新晴畫船雙槳天氣近  
清明燕蹴飛花紅雨東風急吹過高城斜陽外舊游何  
處隔巷喚春餞 生平消受處夢餘斜月醉後華燈有  
粉柔香密細與閒評十載雅歡都廢朱樓在重到須驚  
銷魂處澹烟細雨贏得暮愁生

春從天上來

答陶靜菴見懷之作



白鼻騮驕記鞭絲徐拂帽影微斜十二橋邊夕陽小閣  
花外盡掩紋紗眼底綿綿舊恨盡付與數點歸雅最堪  
嗟是潮生月落掇送年華 天涯庾郎蕭瑟那更聽宵  
來隔院琵琶人去孤山鶴歸甚處依然春到梅花夜屏  
待和紅牋句如鉤月飛挂簷牙夢魂賒問舊時鶯燕幾  
處人家

月華清

落梅

檐隙捎風徑鬱籠霧小窗誰伴幽獨暮雀飛來踏碎一  
林寒玉忍更繞漠漠苔階但冷翳紛紛殘馥樓角有夜  
帳清鐙苦吟人宿 休更亂吹羌笛早野水孤村霏霏

都落縞鶴空歸一片蘚痕迷綠憑楚些招得冰魂怕夢  
斷月斜荒屋橫幅倩徐熙妙筆傍他修竹

淒涼犯

牙彊有坤寧宮提鈴癸第二八字案陳惺  
天啟宮詞注宮人有罪罰提鈴唱夜自乾  
清宮門至日精門月華門仍還乾清門而  
止徐行正步高唱天下太平四字聲緩而  
長與鈴聲相應雖風雨不敢避此彊其遺  
物也三十年前嘗見于鄭于谷丈紺珠堂  
索賦詩未果因補綴此詞

宵深和淚郎當韻淒清更雜風雨沈沈永巷迢迢長夜  
纖纖微步恁般哀楚比蜀樓啼鵲又苦五雲中銅壺徐  
滴兀未歇歌舞規樣牙彊在癸二分明問誰約取太  
平四字曳春絲曼聲如許舊物空留弔芳草宮斜甚處

是曾親玉指恨血帶幾縷

法曲獻仙音

鮑君以文賦夕陽詩甚工余嘗和之意有未盡復填此詞

難繫長繩亂催清角紗窓一霎紅淺遠水浮光落霞成  
倚明到荻蘆江岸正返照柁樓赤菱歌欲淒斷 漫依  
黯問東風幾番紅翠又巷冷烏衣舊家池館一片古今  
愁但寒烟廢綠空晚不忍登樓恁蕭疎偏引望眼對千  
山黃葉歷歷斷鴻聲遠

買陂塘

題葉遜庵桐陰書屋圖遜庵嘗著同字吳韻攷

覆幽齋清陰如許銀牀聽徧秋雨舊家巖壑疑圖畫最  
好玉山深處編韻府向磨牋隄重續閒居賦扁舟容

與又北渡津門南浮湘浦拋了故園去  
憑豪素譜出  
騷人庭宇碧雲葉葉遮戶鄉心一樣難消卻我亦天涯  
倦旅胥水渡怕鶴怨猿驚松鞠都非故五湖歸路倘同  
挂雲帆閒階埽葉遲我坐題句

鳳凰臺上憶吹簫

題柳蘼蕪小像

紅豆無花白楊作柱燕歸難認華堂看麻姑雙鬢都已  
成霜莫說南朝家令天邊月閱盡滄桑傷心是草荒半  
野堂  
名衣疊空廂淒涼墜樓遺恨贖圖畫春風省識紅  
妝問琴河一曲何處鴛鴦只有絲絲殘柳蕭疎影淺蘸  
波光吳綃點宵來漫熏沈水濃香

詹肇堂

字石琴儀徵人乾隆五十七年舉人有嫻雅山房詞

長亭怨慢

春色

看都是啼痕和雨怨碧萋萋染成南浦嫩借波光暖烟  
高下畫橋路一鞭斜照偏引入長亭去不爲惹離愁定  
不會芊綿如許游女認羅幙彷彿拾翠幾回爭妬綠  
意攬紅忽風糝落英無數悵香塚一片青青寫難盡芳  
心千古又暗逐吟魂偷賺謝池新句

探芳信

丙午春日過東城汪氏園林追憶丁亥夏  
日與沈椒園先生衛卓少明府鴈詠于此  
今二十年矣椒園先生已歸道山卓少明  
府尙官粵西存歿聚散之感黯然于懷因  
歌此曲卽用張玉田西湖春感韵

讌清晝共薤簾聽鶯荷筍勸酒照半池春淥重來鬢非  
舊白楊已老尙書墓不見東陽瘦倚闌干絮鬣絲草  
纏鴛鴦 光景廿年驟有仙吏飛鳬鳥蠻山岫廳事  
詩還憶昔遊否枕椰月黑鵲啼苦萬里休回首記分襟  
只有當時岼柳

清平樂

秦淮後遊

簾波織雨窓對相思樹行徧水廊無覓處一片嬌雲吹  
去 青鸞信杳經年紅牆隔斷飛仙只有紗籠蠻蠟當  
時曾照雙眠

東風第一枝

桃花

盤粥凝酥香牋寫豔染成無此顏色綺窓昨夜東風露  
井絳葩乍拆河豚欲上正竹外春光搖碧記柳陰駐馬  
平橋一片夕陽紅濕 看繡野暖烟欲滴還點草亂英  
如積妬他杏雨梨雲愁煞兔葵燕麥劉郎老矣怕相對  
髣髴添白更難尋半面朱門鳳子春來猶識

摸魚子

江吟香暫歸新安由金閨取道武林訂予  
同爲吳越之遊以事羈不果往別後悵然  
賦此解寄之

讓君家賦才清絕消魂繪出南浦去程暗逐春爭速花  
信更番同數同望處認軟綠模糊一片江南雨吟筇遍  
佳愛芳草吳宮修蛾越嶠寫豔入牋素 平生事五角

六張乖忤清遊也被天妬山中不少烟霞伴欠個舊盟  
鷗鷺分去住只酒畔鐙前一樣離懷苦桐陰換暑有春  
水詞人小山阿點相待宴重五

臺城路

蓼花

烏篷南浦夷猶處依依幾叢疎蓼折葦枝邊圓荷影外  
誰遣冷紅吹到西風嫋嫋共釣線悠揚雨餘低裊弱不  
禁秋涼煙一穗弄殘照前溪夜來漲了驗潮痕上下  
沙際初曉蟹火微明魚牀半露野水荒灣人悄西風吹  
老剩蕭瑟江潭舊愁多少添個鳬翁晚汀相配好

疎影

燕影



烏衣舊侶逐暖風下上疑蛻仙羽社雨剛晴欲住還飛  
兩點春雲來去箇人庭院曾凝盼乍閃碎一簾晴絮指  
巢痕落月空梁依約并刀微露何處朦朧不辨濃陰  
深幕暗惟聽交語誰寫雙身鎮日相隨偏傍謝娘牕戶  
那回偷照池塘碧認彷彿漢宮眉嫵最依依巷陌淒涼  
幾度夕陽今古

馮金伯

字墨香南匯人貢生官句容縣訓導有南村詞略

西江月

渡江舟中口占

萍梗飄浮處處荒洲斷浦年年西風吹送渡江船黯淡  
晨霜撲面載得白雲歸去不愁雪浪喧闐隨身瓶鉢

自悠然回首孤山一點孤山在靖江東門外

壺中天

陳雲村朱梅堂張繡堂約至花前軒看菊未果

高陽酒侶約褰裳同到籬邊小住日日顛風當斷渡空  
有夢魂來去宿雨檐低留雲屏暗絕少看花趣花應笑  
我爲誰憔悴如許還向竹塢桐陰安排茶竈三徑時  
延佇昨夜鄰家機杵急錯認數聲柔櫓一室秋英滿庭  
涼月伴我懷人苦何堪更聽孤鴻嘹唳烟渚

史善長

字誦芬號赤霞吳江人諸生有翡翠巢詞

蝶戀花

湖外新晴湖上雨烟柳霏霏遮斷春城路  
姪紫嫣紅花

事暮忍教吹盡閒風絮 睡鴨爐薰沉蕙炷倦客孤舟  
好夢渾無據第四橋邊雙燕語那人曾共吹簫處

茶瓶兒 得家書

塞上寒多遲雁信秋漸老南雲飛盡誰與傳方寸茜紅  
斜壓玉手團香印 身在曾穿鵲鵲陣勞粉淚臨風偷  
搵歸計知難準小樓闌角綠損春風鬢

洞仙歌 西安送春

曉鶯恰恰任枝頭啼徧難向風前喚春轉又出江江上  
一片飛花花笑我也怨天涯歸晚 倚樓人望遠幾許  
柔腸悄拍闌干有誰見綠到柳千絲錯怪東風誤好約

玉驄嘶倦想書劒輕裝未應遲只負了將雛舊時巢燕  
蝶戀花 珠街鎮舟夜有感寄述庵先生滇南

淺卸吟篷煙際宿慣逐羣鷗不管溪南北岸外波搖新  
雨綠羅衾半展燈垂粟 謝客閒情耽水竹問訊春風  
天末人如玉舊燕空來簾未軸啣泥只願巢君屋

施

晉 字錫蕃無錫人  
諸生有雪帆詞

鵲橋仙

圓冰對罷真珠捲却纖手金猊初炷柳芽剛吐一些些  
正春在櫻桃開處 催花風信養雲天氣雨色已濃如  
許路長多分濕春衣又何苦匆匆歸去

踏莎行

蝶困眠花鶯嬌坐樹東風簾外消魂處閒看淡影過秋  
千日長深院團飛絮 榻展水紋屏圍翠羽爐烟裊盡  
沈檀炷樹頭一抹斂微雲明蟾逗破黃昏雨

解佩令

宴袖石山房

海棠開罷牡丹殘了又一年花事匆匆盡悶坐慵眠鎮  
長日閒愁閒恨更休看鏡中雙鬢 酒論清濁雨聯今  
舊敬華筵月窺人近杜牧疎狂只少兩行紅粉醉深宵  
且教隨分

汪大經

字書年秀  
水人諸生

解佩令 題遠春詞

裁雲妙手嘲風秀口便屯田見應低首一縷柔絲把粒  
粒明珠穿就未開函墨光先透歌翻紅袖醉拋紅豆  
付旗亭紅牙點後不是多情怎吟得者般清瘦想簞鐙  
夜深挑又

王翰青

字鄂舟德清人  
諸生有東游草

憶少年

一江離恨一襟寒色一船歸夢尊鱸了無涉被秋風吹  
動 月子彎彎弦半控破黃昏笛聲三弄紅樓已天末  
只青山相送

南柯子 舊雨軒夜坐

老屋三重掩殘燈一再挑攤書那許酒樽澆伴我蛩聲  
唧唧夜迢迢撼曉風偏厲驚寒雨最豪旅人無奈意  
蕭騷不爲石欄干畔有芭蕉

南鄉子 雨夜思歸

衣瘦怯秋寒蕙鼎香消夜漸闌點點畫簷聲滴碎無眠  
靜聽蟲聲和雨喧借榻儘蕭然未敢將愁上錦箋疑  
怪一繩歸雁早秋先客更思歸在雁前

汪

淮

字小海桐  
鄉人貢生

蝶戀花

舟夜

堤柳無端千萬緒酒盡燈昏不解愁來處柔櫓似憐無  
意緒唧啞伴我煙中語雙鬢漸非人已去夢比寒流  
徧繞門邊樹縱得相逢那可據短篷況是瀟瀟雨

踏莎行

秋夜

夢短無憑燈昏猶耿綠階卷盡梧桐影魚書目斷況經  
年雙螢空點書幃冷蘿翠難消煙痕漸暝枕邊只有  
涼蟾並纖纖長作畫眉看忍教一半秋衾賸

吳寶書

字松厓無錫人諸  
生有桐華樓詞

更漏子

嫩寒添香霧軟分付畫簾休捲花漠漠柳陰陰夜長孤



繡衾 憐瘦影慵開鏡又是去年春病睡未足酒初醒  
黃鸝一兩聲

浣溪沙

對鏡何心理翠鈿粉柔香軟只貪眠金鑪裊出並頭烟  
飄盡柳綿人似夢燒殘銀燭夜如年小樓閒過杏花  
天

臨江仙

罷整翠鬟眉暗鎖昨宵好夢無因綠窻絲雨細于塵銜  
泥燕子飛破一簾春 洞口緗桃開徧了落紅偷染羅  
巾一番花事損芳魂向花低語應識去年人

虞美人

雙鬟又報梨花謝。清夢闌珊也。思量無計可留春。險取折枝新樣。畫羅裙。分明咫尺蓬山路。潛把歸期數。背人今夜理相思。翻得浣花箋。上舊題詞。

王紹舒

字作明青浦人諸生有澹園詞鈔

釣船笛

題陳寅齋春江獨釣圖

舴艋慣煙波。一任浪中欹側向晚江天。雲淡又露花如滴。蕉衫青笠。墮微茫。月影水光白。會得持竿幽意愛。綠陰沉碧。

憶秦娥

魚書錯芸窓夜午垂簾幕垂簾幕幾番疎雨幾聲殘角  
鴛湖不管人離索年年孤負傷心約傷心約盈盈秋水  
重重香閣

埽花游

山窗埽葉圖爲繹如弟作

小亭岑寂看脫葉輕翻疎枝斜墮倦懷難賦但匆匆羸  
得落花無數尊酒論文休負新涼院宇試疑佇喜一點  
桂香猶在高樹雪葭深幾許正巒光杳渺懷人愁緒  
埽除閒步伴飛鴻清唳砌蛩私語欲訴相思偏值濛濛  
細雨聽淒楚看紛飛又催秋暮

國朝詞綜二集卷四

國朝詞綜二集卷五

青浦王昶纂

凌廷堪 十九首

孫爾準 八首

徐雲路 六首

李方湛 五首

鮑份 四首

孫源湘 六首

凌廷堪

字次仲歙縣人乾隆五十八年進士官寧國府教授有梅邊吹笛譜

齊天樂

同章酌亭夜話

夕嵐遙送芙蓉影濛濛翠生庭宇  
糝玉成羹調雲作液不放吟秋人去  
清尊論古恰纔說英雄又憐兒女瘦月  
窺窗綺牋商略舊時句微吟將斷復續  
隔牆誰弄笛

驚起離緒碧草難銷紅芳易感那得年年長聚相思最  
苦便龍腦香殘未妨重炷莫忘今宵翦燈同笑語

又寄吳松厓

海天寒逼雙峰晚離愁頓生如許越劍龍吟吳綿蛸縮  
落葉爭鳴高樹尋春舊侶正叢桂吟成小山羈旅渺渺  
魚波數聲新雁向南去回思胸上握別片帆初挂後  
驪唱何遽日澹前山雲疎遠岸日斷蘋花深處關河間  
阻算唯有長宵夢魂能度倦隱烏皮怕聽秋夜雨

聲聲慢懷酌亭

撥花攸紛搓柳成綿青陽老去無痕靜啟文窗試看彩

少銷魂東風撲簾幾陣把相思吹得紛紛無聊極算懷  
人念遠不爲驚春 尙記秋來逸興儘衝泥載酒曾到  
孤村細酌檐花聽雨同掩柴門如今舊游在否漫回頭  
無限春雲知何日踏漁舟重訪故人

隔浦蓮近拍

秋夜

流紅江上去遠撚指成秋苑入夜都無緒疎螢輕撲羅  
扇河漢清且淺難消遣脈脈黃姑怨 夢中戀生衣乍  
試猶憐纖手裁剪疑香舊路幾度背人尋徧誰爲含愁  
獨不見應羨樓頭珠箔初捲

一萼紅

九月登魏文帝賦詩臺用石帚人日登定  
王臺韻

晚雲陰趁重陽載酒誰把菊花簪高岫迷煙空江卷雪  
臺上無限銷沉問千古英雄不見只見有高下暮天禽  
幾度悲歌一聲長嘯如此登臨當日氣吞吳會記橫  
江駐馬不盡雄心荒草霜碑殘苔蝕砌定誰遺蹟重尋  
漸蕭瑟西風乍起遠林外黃葉亂堆金且酌茱萸倚欄  
莫厭杯深

瑞鶴仙 秋草

一番秋雨後便覺得長隄微黃都透王孫漸消瘦更清  
霜凝野馬蹄初驟荒城廢堠似無數淒涼隨就接斜陽  
幾點寒鴉又是別離時候知否碧銷南浦芳歇西洲

可能如舊春歸未久凝眸處漫回首蹴香塵記得鈿車  
陌上研破層層軟繡到如今總變消魂共誰載酒

疎影

新綠和竹樓

年芳去疾賸遠林幾疊空翠如織掩映疎煙遮斷孤村  
欲共前峯爭色蒙茸染得嬌如許悄莫道東風無力怕  
夜來冷月橫窓碎影亂侵簾隙那更連朝暗雨望中  
但一片春已狼籍寂寂橋頭漠漠牆腰一縷斜陽猶濕  
濃陰半壓生衣重甚滿地寒雲流碧想玉人此際憑欄  
尙把斷紅潛覓

高陽臺

庚子清明日同方竹樓趙雪蓬鄔覺庵諸  
君飲郎鉅月城西園亭



社鼓調鶯鶯簫警燕清明人在天涯賴有吟朋尋芳約  
到山家春痕幾日無消息伴小紅潛上桃花透柴扉一  
縷新煙應是烹茶 相逢競道郊原好有爭馳繡鞵疾  
走鈿車十丈香塵惜惜吹滿晴沙何如小坐維摩室引  
翠尊同酌流霞醉歸來微墊烏巾雨細風斜是日將歸遇雨

三姝媚

舊與程時齋章酌亭譜有南北諸散曲而時齋一斛珠傳奇尤擅場庚子白沙席上聞歌感流水空彈悵小紅難覩製此以贈歌者京江水滑之辭不僅爲秋娘發也

花深春夜煖步香堦盈盈靚妝初換秀靨依然想那回  
曾遇寶釵樓畔扇底傳情已拚却瑤臺音斷豈意芳筵  
紅袖低垂翠尊重欵 我有文窓歌伴記雨外燈前呀

紅箋亂俊譜新聲笑近來零落錦囊塵滿若解相思試  
檢與低吹瓊管莫惜銅壺頻擊行雲正緩

摸魚兒 雨後江上晚眺

暮天空乍收涼雨隔江飛過清冷烟鬟綽約山容潔掃  
得雨蛾幽靚無限景縱倩取鑊冰琢雪應難詠斜陽未  
暝見別浦殘荷迴汀折蓼都作淡紅影江光遠蹙起  
靴紋萬頃微風恰好初定盈盈十五吳娃小笑與碧波  
相映嬌妬性有意要驚他沙上鴛鴦醒翠裙半整便急  
打蘭橈空明擊碎搖過采菱艇

月下笛

周清真小雨收塵一調題曰月下笛而與白石玉田諸作迥異今細校之卽瑣窗寒

唯換頭處少一字耳片玉集中暗柳啼雅  
詞可按也疑是瑣窗寒別名非月下笛本  
調既用之以賦落梅復附鄧見於此俟知  
音辨焉

徑貼遺鈿苔沾墜粉一春淒切羅浮夢轉翠羽聲聲啼  
微惜殘英空復戀枝曉風幾陣吹作雪便湘簾不捲文  
窓虛對舊時明月樓頭若箇尙裊裊臨風玉龍吹裂  
如綿細語記得芳時同折悵春衫猶染暗香玉人已  
是經歲別繫相思繞徧疎籬萬匝誰其說

夢芙蓉

此吳夢窗題趙昌所畫芙蓉目度曲也調  
極幽咽竹垞樊榭嘗用之而萬氏詞律失  
載已亥九月真州江上見紅葉遂以此調  
譜焉

又看秋花萼望楓林濃處錦屏爭艷遙山弄碧青女黛

蛾歛淡妝應久厭紺裙紅袖新染馭靄驂霞漸珊瑚欲  
下旋被絳雲掩波定江光潏灩幾許秋容穩把嬌春  
占渾疑畫裏疎處露茅店亂鴉千萬點夕陽天外遙閃  
屬付西風擬乘流寫怨須向綺窗颭

八歸

秋柳

疎枝漏月空條含雨江上又早秋色長汀寂寞誰相伴  
惟有蓼花初紫荻花全白澹影依然搖曳處竟未許鶯  
兒藏得任滿目細草輕波總不是嬌碧猶有畸人載  
酒停橈相傍似把春光重覓瘦梅纖骨小桃香靨問爾  
應知消息見宮腰似妒脈脈無言向人立休生恨可能

禁否幾陣西風寒林同瑟瑟

惜餘春慢

落花

錦障圍春繡鈴驚曉無限劇憐深護禁風欲笑受露還  
慵恰恰翠嬌紅嫵爭信啼鵲數聲下得無情送教歸去  
念芳心一點也知相戀奈難爲主凝望眼隻雁何來  
雙魚空托撲簌一簾愁雨衣沾賸粉袖染殘香總是繫  
人心處莫向東風斷腸落葉陰陰低回無語擬春來重  
訪穠華仍在彩鸞休誤

高陽臺

題趙渭川梅夢圖

綠鳳扶春青禽侍夜纖塵不到空山綺袂凌風翩然飛

下雲端銖衣雅稱羅浮蝶  
踏彩霞羞控雙鸞夢中看小  
立亭亭小步珊珊  
依稀記得龍城事問尋春夢約猶  
在人間淺笑深顰一枝嬌墮烟鬟披圖欲共低低語早  
數聲清角吹寒夜將闌怕露淒清怕月迷漫

霜天曉角

丙午六月二日晚涼偕張鄂樓牛次原  
閒步陶然亭遇雨

暮天岑寂遠岫涼烟  
羃曲樹凭欄閒話聽細雨響蘆荻  
浙瀝池上滴芙蓉舒紫萼觸起故山情思風柳外數  
聲笛

齊天樂

呂大叔謫以簾鉤詩見示譜此和之

瘦瓊寒壓犀紋亂重重翠陰齊上銀蒜低垂金莖倒挂

都似官眉新樣香階晝爽恰分取湘江幾層煙浪午夢  
驚回向風偷學佩環響離離花影未滿却寒輕揭起  
纖手初放繡戶看春紅樓望遠巧與鸞釵相傍晴窗靜  
敞愛冒住游絲淺飄珠幌不礙紅襟拂花來又往

湘月

宜興萬氏專以四聲論詞畏其嚴者多詆之  
蘆州先著尤甚以爲宋詞宮調別有秘傳不

在乎四聲按白石集滿江紅云末句無心撲  
歌者將心字融入去聲方諧徵招云正宮齊  
天樂慢前兩拍是徵調故足成之及考徵招  
起二句平仄與齊天樂脗合然則宋人未嘗  
不以四聲定宮調而萬氏之說初不與古戾  
也余恒謂推步必驗諸天行律呂必驗諸人  
聲淺求之樵歌牧唱亦有律呂若舍人聲而  
別尋所謂宮調者則雖美言可市終成郢書  
燕說而已今秋舟過荆溪感而賦此以酌紅  
友卽白石所云念奴嬌焉指聲也

小舟盪月正蓬窗眺遠涼夜支枕罨畫溪光望不盡百  
頃紅鷗波浸斷渚拖烟高城攔雨秋意蕭疎甚樓臺明  
滅數株楊柳低蔭空想堆絮園中停尊按拍製新詞  
如錦律比申商科後世應有知音題品花外簾空山中  
雲杳宮調無人審臨風歌罷扣舷聊佐清飲

摸魚兒

梨花

撲簾櫳一天香雪何人輕翦瓊片當窗幾樹垂垂發花  
裏有人開宴春不淺愛玉樹臨風人與花難辨閒情自  
遣趁苔徑無塵粉牆有月席地布芳薦重門閉又聽  
新鶯乍囀無端添起春怨依稀記得前游處樓上半窺



國朝詩集卷三  
嬌面人漸遠，悄不覺年年怕共春。相見魚牋，靜展待調露。研辭焚香，琢句訴與杏梁燕。

孫爾準

字平叔，金匱人。乾隆六十年舉人，有雕雲詞。

齊天樂

答許周生雨中見憶詞

午眠未熟，桃笙膩苔，痕潤流方礎。柳色沉烟，荷聲喧睡。愁到水雲深處，新涼入戶。憶舊日天涯同袍，儔侶五葉。旛風苦提其聽，戒壇樹傳來魚訊。驟喜說扁舟計就。盟向鷗鷺，取橋風香采，蓴月白好趁三衢歸路。紫茄綠芋已種，向階前待君同住。聽取西牕翦燈深夜語。

又竹簾

湘雲壁盡絲絲雨烟痕未消輕翠疎簾蔽基隱囊臨畫  
垂在綠陰陰地愁人無計是隔戶相逢怎生迴避深院  
愔愔爐香鎮日裊心字 黃昏替垂銀蒜待玲瓏涵月  
便貯秋意河影斜捎夜涼微度夢繞一泓烟水墮釵響  
裏又未了梳頭喚人鈎起生怕歸來悞他雙燕子

疎影 蛛絲

清晨小院向交枝逕裏一絲迎面落絮飛花粘住春痕  
乍放巧思如綫雲英細綴珠千顆錯認作絲囊一片只  
黃昏蝙蝠飛來怕惹玉絲輕翦 最是蜚兒網住還疑  
是舊夢仙囊餘繭拜月香階小逗芳心潛把釵梁低罨

幾回映月尋秋影却苔逕纖痕難見悄花閒小撲流螢  
又滿畫羅團扇

邁陂塘

萍

柳綿飛無端夜雨東風重幻身世慘慘遮徧樓臺影春  
色三分餘幾并翦利也未許裁開一幅青羅膩輕勻圓  
細只鴨浴輕翻魚吹偏活占了芰荷地過上已定有  
前裊人至青銅難寫蛾翠鈞絲乍拂輕痕破恰有遙山  
螺髻滄海裏想驀地相逢悟徹浮生意天涯情味怕蕩  
子難歸愁人欲別點點是清淚

瑞華

夜雨

低雲弄晚暗雨催秋早重門先閉庭梧牕竹千萬點總  
在離人心裏香銷被冷捱不了淒涼情味料个宵夢也  
難圓且與覓衣重起想伊背著燈兒便卸了雲鬟應  
也難睡相思兩地不成是便算一番良會簷聲縱急怎  
抵得愁人清淚一任他滴到天明拚著爲伊憔悴

齊天樂

荷葉

翠觚卷得人間暑金塘展來潛暖宿鷺搖香老魚吹影  
相閒紅雲零亂歌聲漸斷照螢火星星碧光寒燄儘勝  
銅盤夜深千點露華泣最苦跳珠急雨近曲闌深處  
鷗夢難尋十字低垂丁軟橫倒畫出雪波秋晚西風一

又添了新紅半湖菱芡賸與漁家和香包冷飯

二郎神

豆棚

枳籬樾柱儘省却牽蘿重補早檐底流雲梧邊分雨別  
有清陰爾許手把團蕉閑商略漫憶著南山詩句看一  
角青天斜陽收了斷霞催暮 消暑白花綻後芳蕾堪  
煮恰素手勾陰金刀剪翠尋到螳螂挂處邀取隣翁夜  
涼排坐閑話胸中今古人靜後付與秋蟲細說一庭清  
露

霜葉飛

竹素園在城內西偏馮翊事變徵歌地也  
秀石崇臺清飲妙舞爲一時之冠滄桑旣  
易遺址空存唯清沼一泓雲根數片而已  
暖日與明叔晴芬偶過其地感慨係之各

賦一解

一灣殘沼揉藍裏當年娥翠頻照扇天砌地洞房深鎖  
夢鴛鴦小儘凭醉偎香趁笑清歌不放行雲曉想舞霓  
裳倦後錦石花邊醉中曾倚娟妙轉眼梓澤銅臺斷  
腸一例俊游回首如掃重來燕子已難尋只有春知道  
送幾度斜陽又老野花一片都開了任步屨閑來畫出  
蒼涼頓縈懷抱

徐雲路

字起萬崑山人諸生  
有淪雪山房詞草

摸魚子

題述庵先生三泖漁莊圖

漲吳淞渺然煙水九峯螺黛遙映鳴欄蟹簫鴛鴦浦一

曲鏡湖栖影移釣艇便不爲鱸魚也有秋風興滄波夢  
冷賸綠簪青簑白蘋紅蓼閒福更支領憑誰問多少  
雲臺畫省盟寒鷗鷺難信瀟江洱海看來慣只是浮家  
安穩疏懶稱且典却朝衫換得村醪飲斜陽晚景譜水  
調清歌鳴榔擊楫逸響四山應

天香 蘆簾

細翦霜梢勻編露葦斜陽一片遙映密密疎疎蕭蕭瑟  
瑟幾織秋汀煙暝吹殘雪絮便留護窓櫺風緊遙指茆  
檐低挂依約箇人棲隱賓鴻者回猶認颺微波酒空  
斜並漫數銀鈎玉押料伊無分回首江湖夢冷賸明月

輕篩淡寒影，翠地常垂飄。飄飄晚景

一萼紅 秋花

舊園林自荼蘼開後，寂寞到如今。瘦葉扶來，殘籬映處，誰與滴粉描金。已分得芳華遲暮，待含香一點吐秋心。色借蕭寒韻，添艷冶，未了清吟。誰共開尊勝賞，賸蕭疎潘鬢，憐取還簪。倦蝶魂迷冷峰，意懶無聊，還更閒尋。料此後霜嚴雪冷，折殘英，權當一枝春。試問年時鶯燕，何處飄零。

瑞鶴仙

題琴德居

幽居消晝永，正銀鴨香微，石牀苔潤。悄悄理瑤軫，乍水



流山遠渺然人境鸞坡畫省又卅載桐枯薦冷任蕭然  
鶴守柴關閒煞碧蘿幽徑重問溪莊樹老斗室簾疏  
舊時栖隱松風入聽渾一曲歸雲引伴蘆笙漁笛停音  
流響彈到圓鷗夢醒借冰絃寫出初心天空籟靜

綠意 新竹

碧雲滿徑乍飄來錦籜修篁初引風裊疏雨洗娟娟  
數竿香色含嫩參差待作青鸞舞漸褪了一痕新粉又  
梢煙低拂簾波罨畫綠窓閒靚纔放篋簪幾箇玲瓏  
蒼玉碎湘簾紋映欲做輕陰早媚澄連向晚栖禽未穩  
從教芟却枝繁密聽徐憂琅玕幽韻等他時翠袖天寒

扶住箇人清影

瑤華慢 題銀藤花館真詞圖

濃春如瞥乍引青藤壓架霏瓊屑玲瓏密綴渾又是小院牽蘿時節生香不斷但閒裊檐牙簾押消幾番刻楮抽毫影颭一庭銀月遶欄按拍微吟訝低眉春衫飄墮晴雪題衿雜坐還勝似秋老豆棚花葉待倩他絡住閒愁莫惹情絲千結

李方湛

字光甫仁和人諸生有紅杏詞

齊天樂 秋蟬

一天秋思來何處淒淒夕陽西畔夢醒槐宮魂銷柳鐸

碧樹無情誰管移枝意嬾悵鬢影蕭疎琴絲零亂幾度  
沉吟歲華容易暗中換風前嗚咽似說有征蹄得得  
山遠人遠冷抱霜柯寒栖病葉同是天涯悵惋迴腸欲  
斷沉疎雨無聊苦添哀怨喚起秋聲此時誰聽慣

又雁

燕歸換得哀鴻到聲聲訴他憔悴飛斷湘雲叫殘塞月  
蹤跡年年孤寄寒蘆敗葦怪影落圓沙極天煙水倦羽  
纔停數聲漁唱又驚起相思苦難說似但長空宛轉  
書簡人字旅館燈昏寒閨漏永同是夢魂千里飄零身  
世任石闕嘗銜那能無淚倚徧江樓玉筍愁再理

惜分飛

繡閣收殘春睡醒庭外酸風正紫紅雨吹成陣掃花人  
到薜蘿徑無地埋愁愁不定轉自憐花薄命恰倚香  
鋤等無言立盡斜陽影

珍珠簾

白丁香花

繁花一樹清如洗問何由朶朶開成丁字一色影玲瓏  
映水晶簾底見說同心堪綰結便觸撥愁懷重起須記  
記三五銀蟾照人無寐何用暈碧裁紅芳姿淡冶銷  
魂如是雞舌醉曾含恨舊情難繼望斷南天芳草遠又  
小鳥相思飛墜憔悴看點點梨雲化成鉛淚

唐多令

七月十四夜

人遠畫闌前樓開碧漢邊曲屏山倚遍無眠曾記垂虹  
橋外過問小字認神仙釵朶插來偏琴徽數更全似  
穿針重凭香肩明月妬人應有恨恨尙欠一分圓

鮑

份

字叔治昭文人諸  
生有未學堂詞

蜨戀花

甲辰春日對雨遣興

樓上簾垂簾外雨一碧深深春在庭前樹燕子只依華  
屋語舊泥銜向新巢去滿眼梨花誰作主撲檻露香  
留得情如許幾日柳綿應學舞大隄芳草吹何處

又

雨雨風風春已半因甚天涯消息和雲斷最是繁枝全  
不管綠陰又向東樓畔樓上簾垂垂未卷一任嘯鳩  
簾外將愁喚只道微吟今漸倦春光更比吟情短

大江東去

八月十六夜舟發金陵至江口

綠蘆才長映一天涼月雲衣輕護千里江湖猶未落客  
我扁舟徑渡風拍船頭沙回岸嘴聲入雙枝櫓兩三四  
點星光看上無數便是東晉風流南朝人物浪打浮  
蘋去冰雪襟懷相照徹橫槩吟詩何處小網張魚低橋  
喚鴨著得情如許今番篷背不曾聽到疎雨

虞美人

堂堂白日拋人去無計相畱住幾宵冷雨幾宵風洗出  
一丸寒月墮霜中翠衾寂寞香消住在夢知何處夢  
來休恨太朦朧早是荒雞曉斷畫牆東

孫源洲

字子瀟昭文人乾隆六十年舉人有長真閣詞

鳳凰臺上憶吹簫

疎柳含鴉寒塘抱鴈偏憐暮色高樓把闌干拍遍夕照  
橫秋古往今來何極湘雲蕩楚水悠悠又何處數聲清  
角人在涼州颼颼西風起也吹落葉天涯總在心頭  
記曾攜手處萬綠雲流今日畫簾重卷認空枝片月如  
鉤還須省箇中情思不是離愁

昭君怨

花裏一絲雲影花外一聲清磬曉露滴衣裳滿身香  
折得幽蘭誰贈彈出瑤琴誰聽一蝶繞人飛自依依

醉花陰

和竹橋禮部春晴探梅

城頭一片雲猶重春氣人間夢踏濕問梅花竹外枝斜  
日暖迎香動 巡簷只我和花共影瘦風微弄趁好是  
初開莫待重來雪補蒼苔空

小桃紅

白門舟中

又趁西風去衰草連天暮看老江邊幾番斜照南徐北  
固只金焦兩點浪花中鎮青青如故 垂柳絲千縷似



我曾攀處試挽柔條問他前夢依然無語漸黃昏蘆荻  
并江聲作瀟瀟秋雨

瀟瀟雨 秋懷

滿天風雨意一分秋便作一分愁任簾櫳蕩颺湘雲一  
片不上瓊鉤深院晚涼先到梧葉自颼颼不是斜陽裏  
也怕登樓 休想芙蓉采采料紅衣落盡與水東流剩  
菰蒲涼夢枕上喚閒鷗約秋江蘆花片月待明朝散髮  
攲扁舟惆悵冥冥鴻雁叫過樓頭

甘州 山居

甚仙人削出秀瓊瓏不道是人間被千巖萬壑重重鎖

住翠冷蒼寒一種乾坤清氣清極竟忘還太古元非古  
只在深山三十六峯峯缺聽半空語笑飛落銀灣任  
閒雲來去還遜我心閒况西風幾多塵客便夢魂歸不  
到煙巒呼明月倒隨天影浸入寒潭

錢

枚

字枚叔仁和人嘉慶四年進士官吏部主事有微波亭詞

浪淘沙

香霧濕花枝月上遲遲籠燈說與醉人知酒後須教添  
半臂怕有風吹好夢不多時花事迷離春陰閣住海  
棠絲一陣淒涼心上過獨自尋思

望梅

婁江市上糖梅味極甘脆名風雨梅亡室最善作之今夏有以此梅見寄者感賦此闕

江城夏五正梅肥時候風風雨雨記窗前一樹青青早  
分付園丁傾筐摘取親手搓拏更方法從頭說與青錢  
細簸白蜜生醃紅蕤封貯先選大錢和梅子簸漾然後漬蜜則色不變而味脆  
追思十年前事悵綠么絃斷翠樞香蛙又江南節物登  
盤問舊時滋味何嘗如許春夢消沈訪嫩綠池塘何處  
剩微酸一點常在心頭畱住

瑣窗寒

粵中白蘋花大如盞何丈春渚自揚州小玲瓏山館携歸賦詞索和

澹影葦烟低枝怯水娉婷如許欲開還未須待日高亭  
午慢催他惺忪倦眼曉涼難得芳心吐比蓮花還瘦三  
分爭禁一天風露記到茗溪路祇瘦鱗蘆汀冷鷗菱

浦柳暉工吟渾未見者般風趣羨騷人耐得清愁綰將  
一把蠻烟住怕揚州花月繁華合併半灣枯樹

何文居枯樹灣

賣花聲

從友人乞秋海棠

微雨暗西樓花事勾留從君分取半庭秋燭付圍丁輕  
着力牢護根頭花韻便盈眸無限溫柔問花真箇斷  
腸不儂做斷腸人已慣翻替花愁

小重山

題李虎觀那變梅梁漁隱圖

卜築漁莊寄此生溪山隨處好一竿輕乍携橫簃上湘  
舫

先生官永州

滄波外吹裂夜山青

展卷最關情自憐人

海夢幾時醒故鄉也有好漁汀西溪路孤負舊鷗盟

國朝詞綜二集卷五

國朝詞綜二集卷六

青浦王昶

許宗彥 十首

陳文述 一首

史蟠 七首

顧臯 七首

張興鏞 十二首

顧蓀 一首

李福 十一首

張禮 三首

許宗彥

字積卿號周生德清人嘉慶四年進士官兵部主事有華藏室詞二卷

天香

烟草

玉醞靈芽霞含嫩葉相思種就仙草堆繡囊青浮筠箔  
紫淺撥獸爐紅小停鍼暗吸看颺出柔情多少閒傍雕

闌竚立濃磨怕被花惱 底事消磨客抱別蘭釭片雲  
低統算是最縈情緒酒闌人悄半露萸尖小握待遞與  
纖纖一枝好背啟櫻脣幾絲翠裊

洞仙歌

寄平叔

鷓鴣啼曉又一闌紅雨無可如何花落去下虛庭竚立  
送盡征鴻誰會得脈脈此中情緒 題襟留墨瀟和遍  
蠻箋杳杳郵籤總無據刻意杜司勳傷別傷春定盼殺  
江鱗雲羽但看取庭柯變丹黃約一棹江南訪君秋暮

清平樂

落梅

冷煙淒碧吹徹江城蘧漠漠蒼苔殘月白夢醒玉人無

跡情知小別還逢流光忒煞匆匆可奈翠禽枝上聲  
聲只怨東風

鷓鴣天

緩踏芳塵碾玉蹄春樓近在大堤西金樽乍遞釵聲細  
檀板才拈鬢影低離太早會嫌遲曲房何日手重攜  
相思恰似東風柳一夜搓成千萬絲

臺城路

舟中聽雨

秋陰漸覺炎氛退遙山淡如人意竹外闌干花前簾幙  
幾日評量秋思一庭雨細記翦燭同聽吟情清寄漏咽  
銅籤翠帷高卷冷于水而今江上棹艤望高城不見



目極千里碎滴波聲頻催礪響釀做惱人滋味夜深獨自拚消受淒清欲眠還起冷壓孤蓬萬山幽夢裏

又 衢州中秋

黃昏風雨橫空過須臾四垂雲散極浦生烟層霄斂彩圓月十分剛滿清輝看遍算歲歲今宵幾回曾見最是秋中冰輪怕向碧天碾 平橋人散寂寂舊遊堪憶處垂楊千點酌酒船頭飄香雲外客意秋光俱遠閑情漸減又太末城邊縠紋溪畔擷還誰家倚闌紅袖淺

江城梅花引

七夕

涼雲幾葉逗疎青露泠泠月泠泠下了瑤堦無語拜雙

星人正不眠更正永碧天遠放秋光到畫屏  
畫屏畫屏少年情愁漸生酒漸醒望也望也望不見鵲駕輜輶  
惟有一簾花霧散中庭多少世間兒女恨憑訴與有天  
孫仔細聽

更漏子

晚過平江

素秋深明月滿舟過香鱸亭畔漁市散暝鴉歸人家掩  
竹扉拓釣窓開玉釀斟到杯中月上雲葉澹露華濃  
帆飛鏡影中

洞仙歌

瑤臺十二寫遊仙新幃只有星妃恰相稱任千重飛絮

拂柳縈梅吹不上兩頰潮霞初暈  
梨花幽夢醒欲理  
晨妝生怕窓前曉光映昵枕費尋思簾外愁雲平堆起  
年年離恨悵後會無因怨陽春儘悶倚薰籠撥殘紅印

滿江紅

客舟

風急天低把一片江關吹暝孤村外參差粉堠望中難  
認酒醒依稀殘月岸夢迴埋沒遙山影記年時思其絮  
爭飛歸心迴  
漫漫去寒塘徑深深積筠蓬頂爲伊盼  
斷了故園梅信戍鼓無聲知夜靜峭帆不動和雲冷誤  
玉人幾度拂貂茸闌干凭

陳文述

字雲伯錢唐人  
嘉慶五年舉人

疎影 題花影吹笙圖

苔階露濕正晚簾乍捲庭院清絕悄點羅衣閒理瑤笙  
長空片雲明滅南朝玉塞關山遠訴別恨聲聲嗚咽漸  
滿身花影玲瓏吹醒一丸涼月 猶憶小樓清夜箇儂  
在月下驚管徐歇倚遍闌干翠袖微揜纖手映來如雪  
繡囊銀字都零落空夢斷餘音清越料祇應花外銀蟾  
照見斷紅雙壓

史

蟠

字伯劭溧陽人嘉慶五年舉人有小蘭烟語

鵲橋仙

莫愁湖

洗空金粉消殘歌舞風月南湖非舊一庭寒綠燕孤飛

問此際莫愁愁否 尋尋覓覓清清冷冷踏遍頽垣荒  
螢忽然花送鬱金香定此處盧家堂後

極相思 春夜雨

儘他燕掠鶯梢遣不去無聊愁愁病病風風雨雨過了  
花朝 驚回一枕江南夢鳴箏碎亂點齊敲也都不管  
花開花謝只是瀟瀟

清平樂 雪後晚步

風吹酒醒亂踏寒雲徑雁字一繩殘雪映描澹夕陽紅  
影 暮霞樓閣誰家有人偷啟窓紗一瓣暗香飛落風  
前笑撚梅花

琵琶仙

用白石韻

片月西湖又隨我遠泛寒江一葉蓬背幾點疎香梅花  
正清絕算纔被東風喚起山意冷未愁鷓鴣似水芳襟  
如烟往事都共伊說漫贏得淺醉閒眠管搖落關河  
甚時節笑問錢錢囊底指春來翠莢覓秀句臨風自寫  
對一窓山掃晴雪多少掩淚緘愁世間離別

南浦

秋水用玉田韻

夢斷楚江遙恰吹來片片涼雲畫曉疎柳挂眉愁窺霜  
鏡幾筆和烟淡掃搖風蕩月蘆荷遠立閒鷗小有客鳴  
榔來極浦吟老天涯芳草綠波前渡依然只匆匆似

水流年換了露冷舊紅衣菱塘外可有采香人到斜陽  
渺渺愁邊幾葉投波悄欲倩流紅傳恨去一碧天空雁  
少

東風第一枝

用梅溪韻咏白山茶

夢醒蕉天香闌柏酒花房夜雪初暖葉邊犀甲青迴瓣  
上鶴頭朱淺花風兩度剪片片吳羅嬌軟對屏枝小啜  
春甌斜擲玉釵雙燕覓秀句冰蘇硯眼逗俊賞鏡開  
池面未輸玉蕊唐昌肯讓瓊花隋苑牆罨月早漸暈淡  
斜陽一線到者時誰伴清寒獨向梅邊等見

水龍吟

白蓮

一湖曉色通明露華千點香吹定最憐伊處潔分雙藕  
愁栽幾柄畫裏禪空詩邊秋淡鶯翹無影怕玉纖催漿  
和涼折取片雪墜鴛鴦醒 綺夜羅衣自整隔相思遙  
烟做暝凝鉛寫素者番心苦微茫暗省有恨菱波無言  
立月一絲風冷被霜娥點破平空洗出碧琉璃鏡

顧 臯

字晴芬金匱人嘉慶六年進士第一今官修撰有井華詞

道陂塘

偕同年潘輔之汎舟西湖時輔之來杭十日復將爲長興之遊

怪恁恁征颿乍卸吟鞭又落君手紅亭十里鴛鴦浦且  
向當鑪呼酒春似繡正燕姁鶯嬌做弄愁時候舊愁今  
又看一霎尊前幾番花裏人比去年瘦 長安市記過



咬春燕九歸期共趁楊柳江皋茆屋依然在烟水儘容  
消受曾未久甚紅燭離絃又過清明後客懷難剖是來  
日孤山斷虹斜照兩地黯回首

齊天樂

竹簾

碧雲已斷蕭湘夢空庭尙搖烟水鰕箔珠圓麝煤香爆  
誰在幽牕落子靚妝初試記清曉梳頭那番情思背地  
相看櫻桃花下隔年事此際沉檀小榭妙鬟風動處  
冰縷垂地搭上楊絲拋來蝶影搖漾秦淮秋意六朝丁  
字料小玉多情曲欄慵倚慢揭銀鈎夜涼和月睡

又 荷葉

金鷗漸轉橫塘路涼筒暗銷殘暑傍影延青搖烟籠暝  
水面月華微吐翠零香苦正人倚秋匳綠紗窓戶冷接  
菰蒲畫橈移入最深處 沉吟浣紗舊事悵鴛鴦夢斷  
難賦新句載酒船空弄珠人杳零亂半江秋露勾圓攤  
破便拘向西風一絲猶舞已是蕭疎更禁喧夜雨

虞美人

爲李湘浦賦

泥銀衫子紅羅扇悄倚雕闌畔晚涼消得藕絲風又看  
一彎新月上梧桐 多情自是多愁損照水憐清影碧  
牀落葉響颼颼可有寄情芳字付東流

念奴嬌

秋閨

井梧槭槭又風廊掩燭  
蘚庭鋪月絡緯聲中挑錦字怕  
對夜牕如雪蘭袖攜香鴛幃  
薦暖好景無從覓桂華孤  
冷素娥真箇淒絕  
纔省昔日尊前對花愁損未是愁  
時節謾說春情無着處爭是秋來難說此際天涯多應  
風露獨自清宵立霜鴻過盡沉沉千里消息

探春

簡平叔卽送王小葦南還並示故里諸子

雨埃呼鋌烟郵煮雪羈魂  
倚繞吟侶挾瑟徒工聽  
訝易倦羸得別離無據舊  
瓦鶯啼處漸酒熟杏花村路故人  
移櫂山邊知繫  
五楊那樹  
京館韶華又暮甚客後春  
來比春先去草草相逢悠悠話別添了幾回酸楚江上

看雲出想朋輩尊前同語應有離愁斷牋分付殘羽

鳳凰臺上憶吹簫

席上題淑明女史聽鶯詞集

絳蠟燒筵銀酥點酒雪晴庭院風輕正他鄉歡笑莫動  
離情次第梅花春夜清夢斷明月撈箏何堪憶分牋索  
譜載榼聽鶯 醺醺待儂醒也按小令么詞唱一聲聲  
教故鄉花柳放暖檐楹怕有人騎黃鶴攜此曲飛上瑤  
京無端又歸心暗牽淮北山青 女史淮南人

張興鏞

字金冶江南華亭人嘉慶六年舉人有遠春詞二卷

梅子黃時雨

春日用玉田韻

寒入春心只和靖昔年皴玉招隱恣歲歲孤山暢吟霜

影樓外低迷三里霧杏花不管人多病占韶景擬趁暮  
潮撐去孤艇愁引仍羈遊興便吳娘水調難入清聽  
羨兩兩鴝鵒煙波千頃身似楊花風約住甚時纔得簾  
鉤近鐘聲緊滿山上鐙催暝

一  
暗香

梅花用白石暗香疎影二調韻

冷中春色渺瓊樓絕意江城孤笛翠袖倚寒竹外花疎  
忍輕摘遙夜幽香細引如憐我窗前拈筆底再問老去  
何郎心嬾傍瑤席香國羣籟寂悵遠道信稀脈脈愁  
積明珠暗泣延佇江濱迴相憶何處珊珊獨立斜影礙  
冰稜清碧怪隴畔開徧也幾曾寄得

疎影

粧成碎玉愛嫩寒紙帳和影同宿冷態誰溫月底形相  
疎簾乍卷湘竹蛾眉澹掃承恩慣那復怨沈香亭北只  
朝來雪意清嚴可戀擁鑪人獨莫憶銀屏深處曉妝  
正對鏡鬟鬢梳綠待字芳年碧玉雲英自昔甘藏茅屋  
一聲翠羽驚殘夢待譜入幾家琴曲更江南花信潛催  
預擬寫君千幅

探芳信

寄內

夜何杳正露砌蛩繁風簾篆裊隔一痕銀漢蛾眉淡初  
掃青天碧海長生誤枉把元霜擣算年年浪被雙星暗

中偷笑 流影入松篠悵遠館黃昏殘燈紅小愁憶闌  
中鴛幙送寒早笛聲一入情人耳便轉相思調我何堪  
更對相思籠鳥

邁陂塘

孟夏之月余客桐川浹旬而返嘉禾水宿  
繫懷酒伴兼憶舊遊叩舷而歌綴成此解  
屬程珠江春廬楊文朴和

泛沙棠滿湖煙影濛濛乍弄春曉灣環翠柳蒙茸處中  
有飛樓紅小春已老愛魚子初分隔檻堪垂釣舊遊憶  
到恰載酒人來采菱歌近殘日一停棹 離愁攪春偶  
匆匆別了輕衾孤宿江杪荒雞茅店頻催夢沙汀更無  
啼鳥波渺渺奈帆阻薰風莫定還家早

底豪吟鷗邊送目漁父漫相笑

鵲橋仙

王泰樓以小園無楊柳缺朝戲拈此解

脂濃粉澹鶯銜燕翦花信連番不住小園已貯十分春  
又何用垂楊一樹 消魂亭外灞陵橋畔分贈離人無  
數怎如不種短長條免送却陽春歸去

聲聲慢

乙巳冬初赴鄂巖之招曉出斜塘口水驛  
霧深舟人迷路菱蘆鳬雁間渺渺兮余懷  
也

邨寒驚櫟水曙聞雞布衾徹夜霜嚴旭影纔通未消深  
霧如烟郵程幾番來慣笑而今莫辨江天江路迴怪楓  
荒荻老秋在誰邊 舊事萍飄盡也聽琵琶一曲也儘



淒然況有相思那禁觸忤頻年西風錯將愁去轉揆灣  
羞對鷗眠須不是爲桃花十里迷住漁船

玉漏遲

與姚芳敬夜話

映簾鑑鬪語因君細寫別離情緒小別經年怪底寂寥  
如許憑仗詩腸酒膽破今夜荒寒風雨愁聽取滿林墜  
葉遼天哀羽爲慨隙駒消磨算十載青衫有誰憐汝  
話到前遊悵望大羅仙序同是天涯淪落又那用琵琶  
留住吟對處鄰雞又催清曙

南浦

溪水碧無情趁回潮瞥把嫣紅流去無計遣芳踪鶯輕

舸尋到溪雲深處駕南鵞北白蘋那管人離緒  
雁齒橋頭門巷阻如隔蓬山幾許魂銷百丈游絲  
悔從前無力將花黏住重許示歸期章臺柳深  
怕飄殘風絮年華暗歎消磨琴柱兼箏柱製得  
合歡宮樣扇題徧斷腸詞句

解連環

闌干

攔春無計問誰堪寄與愁心萬里倩一杆低拓  
廊腰任雨雨風風更無迴避直恁玲瓏祗不合  
教人獨倚算裝成七寶配取金釵定應十二  
秦淮畫船慣曉憶亞紅水榭影到波底趁  
晚妝齊出簾櫳正鉤月斜窺霧深鬟

膩釧響雙敲想寒壓幾痕玉臂更憐他柳墮花欹半邊  
扶起

邁陂塘

去歲冬杪偕朱兩香入都同寓王飲禪處  
閱一年矣客居無侶將偕兩香南歸先填  
此詞寄靜宜四姊

佇閒庭一林黃葉商飈昨夜吹老雲容寂歷移寒影齊  
逐南天飛鳥霜信早盼九點家山只許愁先到別悵多  
少算白酒尊前青衫燭下相對甚時了書郵便欲寫  
終嫌草草宵窗題付吟藁生涯難助知休戀心字餘香  
猶裊鄉夢遶料五夜湘絲着指難成調寄聲冬杪判風  
雪征輪關河襖被歸卧故園好

一枝春

甲寅清明日坐家園柳風春水吟船聽雨用草窗韻借繡雲兄靚山姊同賦

一碧池塘燕飛來似避梨花春雨芳朝細數只欠踏青  
情緒苔姿欲泣怕重憶那人眉嫵憑祝向波面迴風好  
把落紅吹聚 前遊悄無尋處甚西泠載酒歌殘金縷  
簫聲隔巷且與寫成詞譜品泉小集算清事不關天妬  
偏又聽林外瀟瀟塔鈴自語

顧

純

字吳羹號南雅吳縣人嘉慶七年進士授庶吉士

高陽臺

庚申九日游歸田園作

門掩苔深林欹石瘦登臨又是斜陽裙屐招邀重尋徑  
草都荒堂空燕子飛何處漫回頭一例蒼涼恁高城吹

滿西風換了垂楊 繁華駒隙匆匆過想花圍酒陣舞  
榭歌廊捉筆題糕他時應說清狂生平不解愁何事笑  
黃花瘦不成妝奈明年醉把茱萸人隔他鄉

李

福字備五號子仙吳縣人貢生有拜玉詞

西子妝慢

階下木芙蓉盛開自碧而白而紅朝暮異色余悲秋客之易老也感而賦此

寒色難尋秋光不定亂却愁人醒眼妝成時候下階來  
恰亭亭與花相見回闌倚徧早看足三分清豔謾沉吟  
歎薜華朝暮香風流轉 芳年短碧水無情照影時時  
換紅潮莫認酒痕多是尊前淚痕深淺容銷態減記前  
度曾經識面更傷心誤了重來冷燕

如夢令

天上碧雲何處露重涼生白夢今夜幾分秋便有幾分  
愁緒人去人去明月一庭蟲語

虞美人

新月

松梢隱約銀鈎挂斜睨鴛鴦瓦修蛾半試筆纖纖便寫  
許多愁緒上眉尖如煙似霧渾難辨花影閒階淺問  
誰搗破一痕天想有滿腔幽恨未曾填

清平樂

張叔夏候蛩悽斷一闋贈姑蘇陸行直家  
妓卿卿作也後二十一年叔夏卿卿俱下  
世行直寫碧梧蒼石圖書張詞於卷端同  
時和作者不下數十家事載汪珂玉珊明  
網嘉慶元年秋八月於顧南雅齋頭得見  
是圖展玩久之欣然追步

豔歌唱斷煙水芙蓉岸一片閒情增浩漫付與數行飛  
雁誰將舊恨填成卷中不見卿卿六百年來桮樹虛  
堂猶作秋聲

高陽臺

三月三日追和玉田春感之作

昨日清明今朝上巳勝遊趁着東風綠水人家珠簾卷  
起重重滿褰女伴花前拜願年年常似花紅最多情貼  
地飛來燕燕雙逢畫船晚向西冷去賸平湖春色都  
付詩翁如許風光苦無佳客相從獨懷千古興亡事有  
青山倒影波中溯平波一片斜陽幾處疎鐘

浣溪沙

病中東蔣堂孫大

蠶殼窓聽珠亂跳病人況對雨瀟瀟不提舊事已魂銷  
瘦骨難勝愁萬斛柔情易惹柳千條春風無影那能  
描

又

白髮新添四五莖

舊句

青銅無賴忒分明影兒喚我可憐

生 卷盡落花三日雨判回好夢一聲鶯那教人不賦  
閒情

又

望裏層層衆綠齊春風也怕子規啼只須飲到醉如泥  
胡蝶不知花事晚夢回猶繞海棠飛淚珠滴硯寫無



題

臨江仙

夜雨着枝紅濕東風卷地香稠好春無計可攀留桃花  
三月浪楊柳幾家樓心緒百般懊惱情懷一味溫柔  
待吟冷句倩誰酬畫梁新舊燕細語淺深愁

又

春色三分澹宕吟魂一餉迷離爐煙裊裊日遲遲落花  
飛不遠有恨幾人知卯酒千鍾醉後丁香百結冰  
樓空人去燕差池天涯無夢到生悔舊題詩

蝶戀花

淮清橋畔秋光冷一帶疎窓半倚垂楊映船過水花渾  
不定碧波千折紅欄影 昨日莫愁湖上興待擊空明  
恨少雙飛艇今夜清歌何處聽滿身涼月三更盡

張

禮字翼庭青浦人諸生

菩薩蠻

庚庚瘦石穿林表綠楊風裏晴絲裊  
小橋橫飛泉漱玉鳴 雲根隨意坐  
靜督奚僮課側耳笛聲幽夕陽  
山外樓

醉公子

清溪一曲

別有青溪路不數秦淮渡十里靄煙邨如雲綠到門

鄉味秋風早蒹菜鱸魚好撐箇櫂頭船船頭增影圓

一痕沙

烟邨杳靄

隔水人家何處門外綠楊紅樹遮斷路三叉小籬笆  
裊裊炊煙茅屋料是香杭初熟荷插一翁歸背斜暉